



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

aliud longum cum VII. solitudinibus. 51

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

petere prohibemur. Domino autem vindictam tribuere debemus, & ipse sicut promisit, retribuatur. Attamen quantum in nobis est, nihil eis propterea mali fieri optemus, sed Deum potius pro eis rogemus, ut cum illo uniri, & sine medio ad gaudia cœlestis patriæ peruenire queant. Sicque orando pro eis, sine dubio & nobis idipsum impetramus. [Et ne nos inducas in tentationem] Id est, nō sinas, pie domine, ut nos vel caro, vel mundus, vel diabolus in cuiusvis peccati tentationem sic inducat, ut ei vel desiderio, vel delectatione, vel consensu acquiescamus. [Sed libera nos a malo] quod flammis tartareis exuri oportet. Dicamus omnes, dicamus singuli cum uniuersa sancta ecclesia [Amen.] id est, fiat ita nobis, purissima virgine Maria intercedente apud benedictum fructum sanctissimi ventris sui, Iesum Christum dominum nostrum.

Deuotum exercitium & diffusior explanatio super oratione dominica cum septē solitudinibus

Cap. LI.

Pater noster] Qui es principium & creator omnium rerum. O pater amantissime, tu omnia potes, omnia cōseruas, omnia cognoscis, omnia pa scis & nullius indiges. O pater omnium, tu intentionem intelligis, respondes cogitationibus, desideria cognoscis. O pater per te cōfortamur, admonemur, instruimur. [Qui es] O pater amantissime, quis enim es tu? Qui est. Et quis est ille qui est? Altissima Trinitatis unitas, quæ profecto nil aliud est, quam libera, nobilis, amabilis, dulcis, immobilis, diuina essentia, continens in seipsa diuinam & altissimam Trinitatem.

GG v nitatem.

MARGARITAE EVANG.

nitatem. O essentia omnis essentiae, o vita omnia
vita, o lumen omnis luminis. Satis te laudare
non sufficio, cum sis incomprehensibilis, ineffa-
bilis, nec ullis literis explicabilis. Tibi vero so-
li duntaxat cognita. A, a, a. A pater, A filii, A spi-
ritus sancte. Ecce nescio loqui, quia puer ego sum
& pollutus labijs. Minor sum, quam laudare te
sufficiam. Væ, vç, væ. Væ mihi Deus pater, pe-
to præteritorum peccatorum meorum veniam.
Væ mihi Deus filii, peto aduersus quotidianas
culpas meas adiutorium. Væ mihi Deus spiritus
sanctus, peto æternæ pœnæ meæ relaxationem.
[In cœlis] Quid obsecro, & qui sunt hi cœli,
in quibus es Deus meus? Sane, o pater amantissi-
sime, hi cœli sunt omnes rationales creaturæ tuæ,
angeli videlicet & homines. Rogo proinde te, o
æterna veritas, o æterna sapientia, & o amabilis
vnitas, sine qua nil possum, trahe me in te, et vi-
ni mecum, nec finas me viuere sine te, qui es a-
nima & vita animæ meæ.

Prima petitio, & prima solitudo diuinitatis.

Sanctificetur nomen tuum] Rogo te dulcissi-
sime domine Iesu Christe, per merita sacro-
sanctæ humanitatis tuæ, permitte diuinitatem
tuam lucere in me, vt per virtutem eiusdem
diuinitatis tuæ sequi valeam vestigia sanctis-
simæ humanitatis tuæ, quatenus inde sanctifi-
cetur benedictum nomen tuum. Et deduc
me in solitudinem diuinitatis tuæ, eo, videlicet,
vbi nulla te præter te intelligit creatura: & da,
vt in hac solitudine sic aberrem, vt nunquam
inde exire possim, sed me ipsum cum omnibus
amantibus

LIBER III.

amantibus spiritibus in abyſſo tuæ diuinitatis
amittam.

Secunda petitio, & ſolitudo eſſentialis pœ nitentiæ.

Adueniat regnum tuum ꝫ Expulſis inde
cunctis hoſtibus tuis. O nobiliſſime ama-
tor animarum, obſecro te per omnia mi-
racula tua, quæ vnquam in terris feciſti, præſer-
tim Hieroſolymis in templo, quando omnes in-
de euentes & vendentes eiecisti, perſitte lucere
in me diuinitatem tuam, & per teipſum poſſide
animam meam, quæ eſt regnum tuum, eamque
pro tuo gratiſſimo beneplacito gubernare: Et per-
duc me in ſolitudinem veræ eſſentialis pœniten-
tiæ, vt omne malum deſeram, & omne peccatū
& iniquitatem odio habeam.

Tertia petitio, & ſolitudo vitæ ſpiritualis.

FIAT voluntas tua, ſicut in cœlo & in ter-
ra ꝫ Da mihi piſſime Deus, vt voluntas
tua in me & in omnibus creaturis tuis ita
ſit in terris, quomodo in omnibus ſit ſuperius
in cœlis, vbi omnes ſancti in tua ſic volunta-
te concordant, vt in nihilum mallent redigi,
quam vel ſemel tuæ diuinæ per inobedientiam
reſiſtere voluntati. Nunc ergo o cœleſtis pater,
impleas oro in me diuinam voluntatem tuam,
(Ego enim, prout ipſemet dixiſti, ſine te nil poſ-
ſum facere) Et deduc me in ſolitudinem veræ
ſpiritualis vitæ: vt ſecundum ſpiritus nobilitatē
viuere poſſim: Deſq; mihi mundiciam ſpiritus,
animæ & corporis, obedientiam & eſſentialem
pauper-

MARGARITAE EVANG.

paupertatem. Et per meritum humani gaudiosi spiritus tui, permitte diuinitatem tuam lucere in spiritum meum, eumque vere pacatum & tranquillum effice (In delicijs enim habitare vis) & liberum (non enim vis arctari) quatenus benedicta diuinitas tua quiescere delectetur in spiritu meo, ipsumque regere ad gloriam tuam.

Quarta petitio & solitudo cordis.

PANEM nostrum quotidianum da nobis hodie] Sine te nanque diu subsistere non possumus. Da itaque semper nobis amantissime pater, panem reuerendissimi sacramenti tui, vt inde reficiatur animæ nostræ, & panem naturæ, quo sustententur corpora nostra. Et deduc me in solitudinem cordis mei, vt ibi tecum sim solus. Ecce enim domine Deus meus intime ac deuote te obsecro per amorosum cor tuum, perque merita sanctæ ac dolorosæ animæ tuæ, permitte in me & per me radiare diuinitatem tuam, quo eadem benedicta diuinitas tua delectetur possidere animam meam, & hoc ad honorem tuum. Et omnes vires animæ meæ restitue locis suis, vt inde tibi honor accedat, & cum eis gratissimum beneplacitum tuum valeas operari.

Quinta petitio & solitudo cœli.

ET dimitte nobis debita nostra, sicut & nos dimittimus debitoribus nostris] Da pater amantissime, vt hic vere cognoscam, quod omnino me oporteat alijs ignoscere, si mihi debeat ignosci. Ideoque dulcissime pater, pro omnibus qui mihi quouis modo vnquam male fecerunt,

LIBER III.

runt, bonitatem tuam humiliter oro, vt eis hoc ignoscas: & mihi quoque quicquid aduersum te & proximos meos deliqui, indulgeas: veramque mihi patientiam largiaris, vt me in nullo vlciscar, nec vltionem appetam. Et perduc me in cœli solitudinem, ad quam nos cōdidisti, in qua omnes soli sunt in te summo bono, vbi nemo peccat in alium: vbi perpetua quadam tui esurie tenentur, adeo vt cum mille annis tui iucunda fructione potiti sunt, non nisi vna die, imo non nisi vno momento sibi potiti videantur. Vbi etiam omnes vere pauperes sunt. Quia seipsos in te Deo suo amiserunt, & læticia sempiterna est super capita eorum. Vbi denique seipsos in speculo supersanctissime Trinitatis tuę in æterno semperque mansuro gaudio cum continua quadam renouatione contemplantur. Rogo itaque te domine Deus meus, amantissime pater, per merita purissimi saucięque corporis tui, vt diuinitas tua habitare delectetur in corpore meo ad gloriam tuam, quo in me pacem & gaudium habere possis.

Sexta petitio & solitudo mundi.

ET ne nos inducas in tentationem] O domine Deus pater omnipotens, ne quæso permittas, vt me vel caro, vel mundus, vel diabolus in vllam tentationem cum mea delectatione vel cōsensu inducat. Sed perduc me in mūdi solitudinem, qui omnis veræ pacis & æternæ securitatis est expers, in quo intricata & peruersa sunt omnia. Ideoque o fallacissime munde fugere te volo, ne tuis periculis inuoluatur tecumque peruertar.

MARGARITAE EVANG.

peruertar. Atq; vtinam mihi cunctisq; inhabitatoribus tuis amarescas.

Septima petitio & solitudo inferni.

SED libera nos a malo] O Deus piissime, da vt veraciter doleam de omnibus contra tuam voluntatem a me perpetratis atq; commissis, vtque ea pure confiteri & perfecte emendare studeam. Et deduc me in inferni solitudinem, qui ab omni bono desertus est, vt illic cernere valeam, quam seuerè mala puniantur, ne me quandoque male agere delectet, sed vt magis sanctissimæ vitæ tuæ exempla sequi contendam, & extra me fugiens, in te habitem summo & optimo bono meo. Denique iam cum omni sancta ecclesia dico [Amen] id est, fiat.

Deuota meditatio super angelica salutatione.

AVE Maria] Salutent te, o benedicta in Cap. LII.
uentrix gratiæ, castissima virgo Maria, abyssales & immobiles diuitiæ essentia diuinæ. Salutet te omnipotentia patris, qui te elegit, vt omnipotentis verbum suum in castis visceribus tuis carnem & sanguinem pro nostra salute assumeret. Salutet te Iesus Christus verus Deus & homo. Salutet te spiritus sanctus, per potentiam patris & sapientiam filij viuificans & illustrans omnes id ex animo considerantes. [O Maria] tu aptissimum semper venerandę Trinitatis instrumentum fuissti, quod ipsa prior nominis tui litera M designat. A verbo spiritus tui paupertatem, R animæ & corporis